



კულტურის სექტორში შესაძლებლობების განვითარების და თავისუფალი პროექტების კონკურსი

შემოქმედებითი საქართველო

კონკურსის წესი და პირობები

1. ზოგადი ინფორმაცია კონკურსის შესახებ

1. კონკურსის მიზანია: პანდემიის მიერ შექმნილი გამოწვევების საპასუხოდ და კულტურის სექტორის სიცოცხლისუნარიანობის ხელშეწყობისთვის, დაფინანსების ალტერნატიული საშუალების შეთავაზება.

2. კონკურსის ამოცანებია:

2.1. კულტურის სექტორის ორგანიზაციების გაძლიერება, თავისუფალი საკონკურსო პროგრამის ინიცირების გზით (I პრიორიტეტი)

2.2. კულტურის სექტორის პროფესიონალების გაძლიერება, შესაძლებლობის განვითარებისა და შიდა მობილობის შეთავაზების გზით (II პრიორიტეტი)

3. კონკურსის პრიორიტეტია: პანდემიურ ან პოსტპანდემიურ პირობებში მოქმედი ახალი და ინოვაციური კულტურის პროექტების ხელშეწყობა, სექტორის წარმომადგენლების უნარ-ჩვევებისა და საერთაშორისო თუ ადგილობრივი კავშირების გაღრმავება.

4. კონკურსი ითვალისწინებს:

- კულტურის სექტორში თავისუფალი პროექტების ხელშეწყობას (I პრიორიტეტი), რაც მოიცავს:
 - კულტურის სფეროს განვითარებაზე ორიენტირებულ პროექტებს (კვლევითი საქმიანობა, სახელმძღვანელოებისა და გზამკვლევების შემუშავება და თარგმნა და სხვა);
 - კულტურის სფეროში საგანმანათლებლო პროექტებს (პროფესიული განვითარების ხელშეწყობი ღონისძიების გამართვა, მასტერკლასი, ტრენინგი, სემინარი და სხვა);
 - კულტურის სფეროში ინოვაციურ პროექტებს (ვირტუალური და ფიზიკური პლატფორმების შექმნა და განვითარება).
 - კულტურულ ღონისძიებებს (გამოფენა, პერფორმანსი და სხვა);

კულტურის სექტორში შესაძლებლობების განვითარების და თავისუფალი პროექტების კონკურსი

- კულტურის სექტორის პროფესიონალების შესაძლებლობების განვითარებას (II პრიორიტეტი), რაც მოიცავს:
 - ქვეყნის შიდა მობილობას რეგიონებში მიმდინარე კულტურულ ღონისძიებებში მონაწილეობის მიღების მიზნით;
 - ქვეყნის შიდა მობილობას პროფესიული განვითარებისა და/ან კვლევითი საქმიანობის მიზნით;
 - პროფესიული განვითარების მიზნით საერთაშორისო ღონისძიებებში მონაწილეობას (მათ შორის, დისტანციურ მონაწილეობას): კონფერენციები, სემინარები, ფესტივალები, მასტერკლასები და სხვა (გარდა განათლების აკადემიური სასწავლო პროგრამებისა: ბაკალავრი, მაგისტრატურა, დოქტორანტურა);

II პრიორიტეტი ანაზღაურებს: მგზავრობის, განთავსებისა და ღონისძიებაში მონაწილეობასთან დაკავშირებულ ხარჯებს;

5. კონკურსი ფინანსდება საქართველოს განათლების, მეცნიერების, კულტურისა და სპორტის სამინისტროს „კულტურის ხელშეწყობის პროგრამის“ (კოდი - 32 09 02) ფარგლებში და მის ადმინისტრირებას ახორციელებს საჯარო სამართლის იურიდიული პირი - შემოქმედებითი საქართველო;

6. კონკურსი ცხადდება შემოქმედებითი საქართველოს ვებ-გვერდზე - creativegeorgia.ge გამოქვეყნების გზით;

2. კონკურსში მონაწილეობის მიღების უფლება აქვთ შემდეგ სუბიექტებს:

1. საქართველოს მოქალაქე ფიზიკურ პირებს (მხოლოდ კულტურის სექტორის პროფესიონალების შესაძლებლობების განვითარების მიმართულებით);
2. საქართველოში რეგისტრირებულ კერძო სამართლის იურიდიულ პირებს;
3. საქართველოში რეგისტრირებულ არასამეწარმეო (არაკომერციულ) იურიდიულ პირებს და არასამთავრობო ორგანიზაციებს.

3. პროექტით გათვალისწინებული თანხის მოცულობა

1. კონკურსის პირველი პრიორიტეტის ფარგლებში (ორგანიზაციებისთვის), ერთი პროექტისთვის სსიპ „შემოქმედებითი საქართველოდან“ მოთხოვნილი მაქსიმალური თანხა, შეადგენს მაქსიმუმ - **10 000 ლარს** (ყველა გადასახადის გათვალისწინებით); აღნიშნული თანხა არ უნდა ითვალისწინებდეს ძირითადი საშუალებების და ინფრასტრუქტურული მომსახურებების შესყიდვას;

კულტურის სექტორში შესაძლებლობების განვითარების და თავისუფალი პროექტების კონკურსი

2. კონკურსის მე-2 პრიორიტეტის ფარგლებში (ფიზიკური პირებისთვის) სსიპ „შემოქმედებითი საქართველოდან“ მოთხოვნილი მაქსიმალური თანხა:

- ქვეყნის შიდა მობილობის შემთხვევაში არ უნდა აღემატებოდეს 2 000 ლარს (კანონმდებლობით გათვალისწინებული გადასახადების გარეშე);

- საერთაშორისო ღონისძიებებში მონაწილეობის შემთხვევაში არ უნდა აღემატებოდეს 4 000 ლარს (კანონმდებლობით გათვალისწინებული გადასახადების გარეშე);

3. კონკურსის ფარგლებში ერთსა და იმავე ორგანიზაციას/ფიზიკურ პირს აქვს მხოლოდ ერთი განაცხადის წარმოდგენის უფლება;

4. კონკურსის პირობები

1. გამარჯვებული პროექტი შესაძლებელია გამოვლინდეს მხოლოდ კონკურსის გზით, ხოლო დაფინანსება გაიცემა უნაღდო ანგარიშსწორების სახით მხოლოდ საკონკურსო კომისიის მიერ გამარჯვებულად გამოვლენილ პროექტებზე; საკონკურსო კომისიის მუშაობის წესი განისაზღვრება სსიპ „შემოქმედებითი საქართველო“ დირექტორის ადმინისტრაციული სამართლებრივი აქტით;

2. პრიორიტეტი მიენიჭება:

- პროექტებს რომლებსაც, მიმდინარე წელს არ აქვთ მიღებული დაფინანსება განათლების, მეცნიერების, კულტურისა და სპორტის სამინისტროდან და სსიპ „შემოქმედებითი საქართველოდან“;

- პროექტებს, რომლებიც პასუხობენ პანდემიასთან დაკავშირებით საქართველოში და ზოგადად მსოფლიოში შექმნილ ვითარებასა და დადგენილ შეზღუდვებს და ითვალისწინებენ ინოვაციურ მიდგომებს (მათ შორის ცალკეული პროექტების დისტანციური საშუალებებით განხორციელების შესაძლებლობას).

3. გამარჯვებული პროექტის ბიუჯეტით გათვალისწინებული თანხა ჩაირიცხება ორ ეტაპად: 80%-მდე ხელშეკრულების გაფორმების შემდგომ, ხოლო თანხის დარჩენილი 20%-ის ჩაირიცხვა განხორციელებს, დაფინანსების მიმდინარე მიერ წარმოდგენილი პროექტის ფინანსური და შინაარსობრივი ანგარიშის შემოწმებისა და მიღება-ჩაბარების აქტის შედგენის შემდეგ. პროექტის ფინანსური და შინაარსობრივი ანგარიშის წარმოდგენის თარიღი განისაზღვრება ინდივიდუალურად, ბენეფიციართან გაფორმებული ხელშეკრულების საფუძველზე;

4. სსიპ „შემოქმედებითი საქართველო“ არ აანაზღაურებს: პროექტის ფარგლებში, ხელშეკრულების გაფორმებამდე გაწეულ ხარჯს და მაღალი კლასის სასტუმროს ხარჯებს (გარდა იმ შემთხვევისა, როდესაც ხდება თანადაფინანსება);

კულტურის სექტორში შესაძლებლობების განვითარების და თავისუფალი პროექტების კონკურსი

5. მობილობის ფარგლებში სამგზავრო ხარჯების ანაზღაურებისას სსიპ „შემოქმედებითი საქართველო“ ხელმძღვანელობს „დაქირავებულისათვის გადახდილი სამივლინებო ხარჯების ნორმების განსაზღვრის შესახებ“ საქართველოს ფინანსთა მინისტრის N220 ბრძანებით დამტკიცებული ლიმიტების ფარგლებში, ფაქტობრივად გაწეული ხარჯის შესაბამისად;
6. სსიპ „შემოქმედებითი საქართველოდან“ მოთხოვნილი თანხის სახელფასო ფონდი არ უნდა აღემატებოდეს პროექტის საერთო ღირებულების 35 %-ს;
7. სსიპ „შემოქმედებით საქართველოს“ და განათლების, მეცნიერების, კულტურის და სპორტის სამინისტროს უფლება აქვთ შეზღუდვის გარეშე გამოიყენონ მხარდაჭერილი პროექტის ფარგლებში შექმნილი ინტელექტუალური საკუთრების ციფრული ან/და ნაბეჭდი ასლი, ნებისმიერი სახის აქტივობასა და სივრცეში;
8. პროექტის ფარგლებში შექმნილ ვიზუალურ პროდუქციაზე (ფოტო, ვიდეო, ელექტრონულ, ნაბეჭდ პროდუქციაზე) სავალდებულოა განთავსდეს საქართველოს განათლების, მეცნიერების, კულტურისა და სპორტის სამინისტროსა და სსიპ „შემოქმედებითი საქართველოს“ ლოგო;
9. საკონკურსო განაცხადით გათვალისწინებული პროექტის/ღონისძიების დასრულების თარიღია არა უგვიანეს 2020 წლის 1 დეკემბრისა.

5. კონკურსის ვადები

1. საკონკურსო დოკუმენტაცია ელექტრონული ფორმით მიიღება 2020 წლის 30 ივლისიდან 2020 წლის 17 აგვისტოს 18 საათამდე, ელექტრონული ფორმით, მისამართზე: competition@creativegeorgia.ge;
2. გამარჯვებულ პროექტებზე გადაწყვეტილებას იღებს სსიპ „შემოქმედებითი საქართველოს“ დირექტორის ინდივიდუალური ადმინისტრაციულ-სამართლებრივი აქტით შექმნილი საკონკურსო კომისია, 2020 წლის 15 სექტემბრამდე;
3. გამარჯვებულ აპლიკანტებთან ხელშეკრულებები გაფორმდება კომისიის მიერ გადაწყვეტილების მიღებიდან 10 სამუშაო დღის ვადაში;
4. კონკურსის შედეგები ქვეყნდება სსიპ [შემოქმედებითი საქართველოს ვებ-გვერდზე - creativegeorgia.ge](http://www.creativegeorgia.ge), კომისიის მიერ გადაწყვეტილების მიღებიდან 5 სამუშაო დღის ვადაში;
5. ყველა პროექტი უნდა დასრულდეს და საბოლოო ფინანსური და შინაარსობრივი ანგარიში წარმოდგენილი უნდა იყოს არაუგვიანეს 2020 წლის 1 დეკემბრისა.

6. კონკურსის ადმინისტრირება

კულტურის სექტორში შესაძლებლობების განვითარების და თავისუფალი პროექტების კონკურსი

1. სსიპ „შემოქმედებითი საქართველო“ უზრუნველყოფს კონკურსის ადმინისტრირებას და წარმოდგენილი აპლიკაციების ტექნიკურ ზედამხედველობას, რაც მოიცავს:

ა) კონკურსის წესების და პირობების, აპლიკაციის ფორმების, საკონკურსო დოკუმენტაციისა და პროექტის შესრულების ანგარიშის ფორმების შემუშავებასა და დამტკიცებას;

ბ) კონკურსის გამოცხადებას;

გ) კონკურსში შემოსული საპროექტო დოკუმენტაციის შესაბამისობის დადგენას საკონკურსო პირობებთან;

დ) პროექტების შეფასებისათვის აუცილებელი პროცედურების უზრუნველყოფას;

ე) კომისიის სხდომის ჩატარების უზრუნველყოფას და კომისიის შეფასებებზე დაყრდნობით, გამარჯვებული პროექტების გამოვლენას;

ვ) ბენეფიციარებთან ხელშეკრულების გაფორმებას და მათ დაფინანსებას.

7. პროექტის შერჩევის/შეფასების კრიტერიუმები

1. კომისია საკონკურსო საკონკურსო განაცხადებს/აპლიკაციებს განიხილავს და აფასებს წინასწარ განსაზღვრული შეფასების კრიტერიუმების მიხედვით;

№	შეფასების კრიტერიუმი	ქულა
I - კულტურის სექტორში თავისუფალი პროექტების ხელშეწყობა		
1	პროექტის საჭიროებათა ანალიზი - სექტორული, ადგილმდებარეობის, რესურსების და სხვა საჭიროების მიხედვით.	15 ქულა
2	პროექტის სტრუქტურა - მეთოდოლოგია, ფუნქციები, შესრულების გეგმა და სხვა.	15 ქულა
3	ბიუჯეტი - ხარჯეფექტიანობა და შესაბამისობა დაგეგმილ აქტივობებთან.	10 ქულა
4	რელევანტურობა - რამდენად პასუხობს პროექტი კონკურსის მიზანს	10 ქულა
5	შესაბამისობა - რამდენად პასუხობს პროექტი პანდემიასთან დაკავშირებით დადგენილ შეზღუდვებს.	10 ქულა
6	პროექტის განვითარების პერსპექტივა და შედეგის ეფექტიანობა	10 ქულა
სულ		70 ქულა

კულტურის სექტორში შესაძლებლობების განვითარების და თავისუფალი პროექტების კონკურსი

#	II - კულტურის სექტორის პროფესიონალების შესაძლებლობების განვითარება	ქულა
1	მომწვევი ორგანიზაციის/ღონისძიების მნიშვნელობა.	10 ქულა
2	ღონისძიების ფარგლებში დაგეგმილი აქტივობების მნიშვნელობა.	20 ქულა
3	ღონისძიებაში მონაწილეობის მიზნით მოთხოვნილი ხარჯების ადეკვატურობა	10 ქულა
4	ღონისძიებაში მონაწილეობის შემდგომ პოზიტიური გავლენა სფეროზე	10 ქულა
	სულ	50 ქულა

8. განაცხადის წარდგენა

- კონკურსში მონაწილე ორგანიზაციებმა მოთხოვნილი დოკუმენტები უნდა წარმოადგინონ ელექტრონული ფორმით, უფლებამოსილი პირის კვალიფიციური ელექტრონული ხელმოწერით, საკონკურსო პირობებით დადგენილი ვადებისა და პირობების შესაბამისად;
- პროექტთან დაკავშირებული ყველა შესავსები ფორმა ქვეყნდება შემოქმედებითი საქართველოს ვებ-გვერდზე - creativegeorgia.ge;
- საპროექტო განაცხადის ელექტრონული ფორმა და სხვა სავალდებულო დოკუმენტაცია უნდა გაიგზავნოს ელ. ფოსტაზე - competition@creativegeorgia.ge 2020 წლის 17 აგვისტოს ჩათვლით, თბილისის დროით 18:00 საათამდე. (ელექტრონულად წარმოსადგენი დოკუმენტების მოცულობა არ უნდა აღემატებოდეს 20MB-ს)
- საპროექტო განაცხადი მიღებულად ითვლება მხოლოდ მას შემდეგ, რაც ელექტრონულად გამოგზავნილ საპროექტო განაცხადზე ელ.ფოსტიდან competition@creativegeorgia.ge, განმცხადებელი მიიღებს დასტურს, განაცხადის მიღების შესახებ.
- განაცხადის ფორმალური გაუმართაობის შემთხვევაში სსიპ „შემოქმედებითი საქართველო“ განმცხადებელს განუსაზღვრავს ვადას (არაუმეტეს 3 კალენდარული დღისა) ხარვეზის გამოსასწორებლად. ხარვეზი გამოსწორებულად ითვლება აღნიშნულ ვადაში შესაბამისი დაზუსტებული განაცხადის/დამატებითი დოკუმენტის წარმოდგენის მომენტიდან.
- რეკომენდირებულია, განაცხადები წარმოდგენილ იქნას საკონკურსო ვადის ამოწურვამდე სამი სამუშაო დღით ადრე მაინც, რათა, ფორმალური გაუმართაობის ან ტექნიკური ხარვეზის არსებობის შემთხვევაში, არ შეიქმნას შეფერხება;
- დაგვიანებით წარმოდგენილი ან/და არასრულად შევსებული განაცხადის ფორმები ვერ მიიღებენ კონკურსში მონაწილეობას.

კულტურის სექტორში შესაძლებლობების განვითარების და თავისუფალი პროექტების კონკურსი

9. კონკურსში მონაწილეობის მისაღებად წარმოსადგენი ყველა სავალდებულო დოკუმენტის ჩამონათვალი:

➤ ორგანიზაციებისთვის

1. ხელმოწერილი განაცხადის ფორმა PDF ფორმატში;
2. დანართი #1 - დეტალური ბიუჯეტი (Excel-ის, ასევე PDF ფორმატში) (ბიუჯეტი უნდა იყოს ხელმოწერილი და ბეჭედდასმული, ასეთის არსებობის შემთხვევაში);
3. დანართი #2 – პროექტის განმახორციელებელი გუნდის ძირითადი წევრებისა და ხელოვანების რეზიუმეები/პროფესიული ბიოგრაფიები;
4. დანართი #3 – პარტნიორი ორგანიზაციის თანხმობის წერილი პროექტში მონაწილეობაზე. თანადაფინანსების არსებობის შემთხვევაში, დონორის მიერ გაცემული წერილი/დოკუმენტი თანადაფინანსების შესახებ;
5. დანართი #4 - განმცხადებელი ორგანიზაციის ბოლო 6 თვის მანძილზე განახლებული ამონაწერი სამეწარმეო რეესტრიდან <https://public.reestri.gov.ge/>.

➤ ფიზიკური პირებისთვის

1. ხელმოწერილი განაცხადის ფორმა (PDF ფორმატში);
2. დანართი #1 - დეტალური ბიუჯეტი (ბიუჯეტი უნდა იყოს ხელმოწერილი, წარმოდგენილი PDF და Excel-ის ფორმატში);
3. დანართი #2 - განმცხადებლის პირადობის ასლი (საზღვარგარეთ ვიზიტის შემთხვევაში პასპორტის ასლი);
4. დანართი #3 - სამოტივაციო წერილი და რეზიუმე/CV ქართულ ენაზე;
5. დანართი #4 - ღონისძიებაში მონაწილეობის მოწვევის წერილი;
6. მოთხოვნილი თანხის შესაბამისი ინვოისები (ინგლისურენოვანი დოკუმენტის შემთხვევაში თარგმნა არ არის სავალდებულო);
7. თანადაფინანსების არსებობის შემთხვევაში, დონორის მიერ გაცემული წერილი ან დოკუმენტი თანადაფინანსების შესახებ.

განაცხადის განხილვის პროცესში, სსიპ „შემოქმედებითი საქართველო“ იტოვებს დამატებითი დოკუმენტების მოთხოვნის უფლებას;

კონკურსის ფარგლებში არსებული ყველა სავალდებულო დოკუმენტი წარმოდგენილი უნდა იყოს ქართულ ენაზე.

კულტურის სექტორში შესაძლებლობების განვითარების და თავისუფალი პროექტების კონკურსი

10. პროექტის შესრულების მონიტორინგი

1. ბენეფიციარი ვალდებულია საანგარიშო პერიოდის ბოლოს სსიპ „შემოქმედებითი საქართველოს“ დირექტორის მიერ დამტკიცებული ფორმის შესაბამისად წარმოადგინოს პროექტის ფარგლებში განხორციელებული აქტივობებისა და გაწეული ხარჯების დოკუმენტური ანგარიში;

2. პროექტის მონიტორინგი მოიცავს ფინანსურ და შინაარსობრივ მონიტორინგს:

ა) ფინანსური მონიტორინგი გულისხმობს დაფინანსების ხელშეკრულების ფარგლებში სსიპ „შემოქმედებითი საქართველოს“ მიერ გადარიცხული თანხების ხარჯვის შესაბამისობის დადგენას, ამავე ხელშეკრულებით გათვალისწინებულ პროექტის ბიუჯეტთან;

ბ) შინაარსობრივი მონიტორინგი გულისხმობს დაფინანსების ხელშეკრულებით დაგეგმილი აქტივობების შესრულების დამადასტურებელი ანგარიშის შემოწმებას.

3. სსიპ „შემოქმედებითი საქართველოს“ მიერ ფინანსური მონიტორინგის განხორციელებისას:

ა) მიზნობრივ ხარჯად ჩაითვლება მხოლოდ დაფინანსებული პროექტის ბიუჯეტის მუხლების/პუნქტების/ქვეპუნქტების ფარგლებში განხორციელებული ხარჯი;

ბ) არამიზნობრივ ხარჯად ჩაითვლება პროექტის ბიუჯეტის მუხლების/პუნქტების ფარგლებში გაუწერელი ხარჯი. აღნიშნული ხარჯი ექვემდებარება სახელმწიფო ხაზინის შესაბამის ანგარიშზე დაბრუნებას;

გ) ნაშთად ჩაითვლება პროექტის დასრულებისას არსებული გაუხარჯავი რესურსი, რომელიც ექვემდებარება სახელმწიფო ხაზინის შესაბამის ანგარიშზე დაბრუნებას;

დ) ბენეფიციარი ვალდებულია ფინანსური ხარჯის დამადასტურებელი დოკუმენტაცია სსიპ „შემოქმედებითი საქართველოს“ წარმოუდგინოს სრულყოფილად, მასთან გაფორმებული ინდივიდუალური ხელშეკრულებით დადგენილი წესით;

11. დაფინანსებულ პროექტში ცვლილებების განხორციელება

1. დაფინანსებული პროექტით გათვალისწინებულ აქტივობებსა და ბიუჯეტში ცვლილებების განხორციელების ან/და ხელშეკრულებით დადგენილი ვადის ცვლილების შესახებ მოთხოვნა ბენეფიციარის მიერ უნდა მოხდეს ცვლილების საჭიროების გამოვლენიდან დაუყოვნებლივ, გაჭიანურების გარეშე.

2. სსიპ შემოქმედებითი საქართველოდან მოთხოვნილი თანხის ბიუჯეტის პუნქტებს შორის გადატანა შესაძლებელია მხოლოდ 10%-ის ოდენობით, წინასწარი წერილობითი შეთანხმების საფუძველზე.

კულტურის სექტორში შესაძლებლობების განვითარების და თავისუფალი პროექტების კონკურსი

3. ცვლილების შესახებ მოთხოვნა წარმოდგენილი უნდა იყოს წერილობითი ფორმით (შესაძლებელია ელექტრონული ფორმითაც, ოფიციალურ ელ. ფოსტაზე info@creativegeorgia.ge) და უნდა ასაბუთებდეს ცვლილების საჭიროებას და უთითებდეს, თუ როდის გახდა ცნობილი ცვლილების საჭიროება.
4. სსიპ „შემოქმედებითი საქართველო“ უფლებამოსილია არ დააკმაყოფილოს მოთხოვნა, რომლის საჭიროება არ არის დასაბუთებული, ან/და წარმოდგენილია არასაკმაყოფილო დაგვიანებით.
5. დაფინანსებულ პროექტში ცვლილებების შესახებ ბენეფიციარის მიერ წერილობითი ფორმით წარმოდგენილი მოთხოვნის საფუძველზე, პროექტით გათვალისწინებულ აქტივობებსა და ბიუჯეტში ცვლილებების განხორციელების ან/და ხელშეკრულებით დადგენილი ვადის ცვლილების შესახებ იღებს სსიპ „შემოქმედებითი საქართველო“, არაუგვიანეს 10 კალენდარული დღის ვადაში, რაც ფორმდება წერილობითი ფორმით;
6. დაფინანსებულ პროექტში არსებითი ცვლილების მოთხოვნის შემთხვევაში, სსიპ „შემოქმედებითი საქართველო“ უფლებამოსილია აღნიშნული საკითხი შეათანხმოს საკონკურსო კომისიასთან.

ამ კონკურსში პროექტის წარმოდგენით მონაწილე პირები ადასტურებენ, რომ წარმოდგენილი პროექტი მხოლოდ მათი ნამუშევარია. კონკურსის დროს მიღებულ დოკუმენტებს სსიპ „შემოქმედებითი საქართველო“ მხოლოდ განხილვის მიზნით გამოიყენებს და არ გაუზიარებს გარეშე პირებს ან ორგანიზაციებს, გარდა საქართველოს კანონმდებლობით გათვალისწინებული ან პროექტის ავტორების მოთხოვნის შესაბამისად განსაზღვრული შემთხვევებისა.

კონკურსთან დაკავშირებული ყველა შესავსები ფორმა იხილეთ შემოქმედებითი საქართველოს ვებგვერდზე.

დაგვიანებით წარმოდგენილი ან/და არასრულად შევსებული განაცხადის ფორმები ვერ მიიღებენ კონკურსში მონაწილეობას.

კულტურის სექტორში შესაძლებლობების განვითარების და თავისუფალი პროექტების კონკურსი

საკონტაქტო ინფორმაცია

კონკურსთან დაკავშირებული კითხვების შემთხვევაში, ასევე იმ შემთხვევაში, თუ წარდგენილ განაცხადზე დასტური არ მიიღეთ ერთ სამუშაო დღეში, გთხოვთ, დაგვიკავშირდეთ ელ. ფოსტის მეშვეობით შემდეგ მისამართზე: ngadilia@creativegeorgia.ge

დაინტერესებულ პირებს შესაძლებლობა აქვთ კითხვების არსებობის შემთხვევაში, კონსულტაციები მიიღონ ელექტრონულად, მისამართზე competition@creativegeorgia.ge; ngadilia@creativegeorgia.ge